



МОНГОЛ УЛСЫН
ХӨДӨЛМӨР, НИЙГМИЙН ХАМГААЛЛЫН
САЙДЫН ТУШААЛ

2022 оны 06 сарын 10 өдөр

Дугаар 1122

Улаанбаатар хот

Г
Насанд хүрээгүй хүнийг ажиллуулахыг
хориглосон ажлын байрны жагсаалт
батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Хөдөлмөрийн тухай хууль /Шинэчилсэн найруулга/-ийн 142 дугаар зүйлийн 142.9 дэх хэсгийг тус тус үндэслэн ТУШААХ нь:

1. Насанд хүрээгүй хүнийг ажиллуулахыг хориглосон ажлын байрны жагсаалтыг хавсралтаар баталсугай.
2. Үг тушаалын биелэлтэд хяналт тавьж ажиллахыг Төрийн нарийн бичгийн дарга /Г.Өнөрбаяр/-д даалгасугай.
3. Энэ тушаал гарсантай холбогдуулан Хөдөлмөрийн сайдын 2016 оны А/36 дугаар тушаалыг хүчингүй болсонд тооцсугай.

САЙД

А.АРИУНЗАЯА



151201581

Хөдөлмөр, нийгмийн хамгааллын сайдын
2022 оны 06 дугаар сарын 10.-ны өдрийн
~~11~~дугаар тушаалын хавсралт

**Насанд хүрээгүй хүнийг ажиллуулахыг хориглосон
ажлын байрны жагсаалт**

Нэг. Насанд хүрээгүй хүнийг ажиллуулахыг хориглосон хөдөлмөрийн нөхцөл

1.1.“Хөдөлмөрийн нөхцөл” гэж ажлын байрны болон үйлдвэрлэлийн орчин нөхцөл нь хүүхэд ажиллахыг зөвшөөрөх, эсхүл ажиллахад түвэгтэй байхад нөлөөлж байгаа хүчин зүйлс хамаарна. Үүнд хүүхдийн бие, физиологийн хүчин чадлаас хэтэрсэн хүчин чармайлт шаардах, эсхүл хүүхдийн амь нас, бие махбодид аюул учруулах, эсхүл хүүхдийн бие махбод, оюун ухаан, сэтгэлзүйн хөгжилд саад учруулахуйц ажлын хэлбэр, тухайн ажлыг гүйцэтгэх байршил багтана.

1.2.Хүүхдийн хөдөлмөрт албадлага, хүч хэрэглэсэнд тооцох нөхцөл:

1.2.1.ажил олгогчийн мэдлийн байранд хорих;

1.2.2.эцэг, эхээсээ хол байрлаж, хоноглож ажиллах нөхцөл үүсгэх;

1.2.3.ажлын байрнаас гадуур бусадтай харилцах боломжгүй байх эсхүл хориглох;

1.2.4.ажил олгогч нь хүүхдийн баримт бичгийг барьцаалж, ажилтанд өгөхгүй байх;

1.2.5.эцэг, эх, харгалзан дэмжигч болон бусад хүмүүсийн өрийн барьцаа, төлөөсэнд ажил олгогчид ажиллах; 1.2.6.ямар нэгэн хариуцлага хүлээлгэхээр айлан сурдүүлэх;

1.2.7.залилан эсхүл хуурч мэхлэх замаар ажиллуулах.

1.3.Хүүхдийн ёс суртахуун, хүмүүжилд сөргөөр нөлөөлөх ажил:

1.3.1.бооцоот уралдаан, интернет мөрийтэй тоглоом зэрэг мөрийцэх, бооцоо тавих бүх төрлийн ажил;

1.3.2.мансууруулах, сэтгэцэд нөлөөт бодис, тэдгээрийн түүхий эд худалдах зэрэг бүх төрлийн хууль бус ажил, үйл ажиллагаа;

1.3.3.эротик үзүүлбэртэй холбоотой ажил эсхүл эротик үзүүлбэр үзүүлдэг газар ажиллах;

1.3.4.согтууруулах ундаа бэлтгэдэг, худалдаалдаг, түүгээр үйлчилдэг ажил;

1.3.5.хууль ёсоор болон хууль бусаар мансууруулах, сэтгэцэд нөлөөт бодис, тэдгээрийн түүхий эд (үүнд янжуур тамхи багтана) бодис тариалах, хураах, бэлтгэх, худалдаалах, түгээхтэй холбоотой ажил.

1.4.Хүүхдийг хүчирхийлэлд өртүүлэх магадлалтай ажил:

1.4.1.гэр бүл, хамт амьдардаг хүмүүсээс нь тусгаарлан, хүүхэд хүчирхийлэлд өртөж байгаа эсэхийг хянах боломжгүй байх ажил;

1.4.2.харуул хамгаалалт зэрэг зэвсэг хэрэглэх, зөөх, хүч хэрэглэх шаардлага гарах ажил.

1.5.Хорт бодист хүүхэд хордох эрсдэлтэй ажил:

1.5.1.хавдар үүсгэгч, үр удамд сөрөг нөлөөтэй, нөхөн үржихүйн эрхтэнг хордуулагч бодист өртөгч эрсдэлтэй ажил;

1.5.2.барилга зэрэг асбест агуулсан материалтай харьцах ажил;

1.5.3.химийн уусгагч, будагч бодис хэрэглэдэг ажил;

1.5.4.удаан задардаг органик (POPs), тогтвортой органик бохирдуулагч (POPs), тодорхой төрлийн песцитит ашиглах ажил;

1.5.5.хар тугалга, мөнгөн ус, хүнцэл, никель, берилли, бусад хортой металл ашиглах ажил;

1.5.6.ажлын байрны химийн сөрөг хүчин зүйлс, хөдөлмөрийн эрүүл ахуйн стандартал заасан зөвшөөрөгдөх дээд хэмжээний 50 хувиас өртөлт бүхий ажил.

1.6.Хүүхдийн аюулгүй байдалд аюул учруулах ажил:

1.6.1.газраас 2 метрээс илүү өндөрт дээвэр, тавцан, тагт, цонх, мод зэрэг дээр ажиллах;

1.6.2.цахилгаан, хийгээр ажиллах машин тоног төхөөрөмж (цахилгаан хөрөө, өрөм гэх мэт);

1.6.3.галд шатах, дэлбэрэх аюултай бодистой ажиллах;

1.6.4.хязгаарлагдмал орчинд ажиллах (үйлдвэрлэлийн зориулалттай хөргүүр гэх мэт);

1.6.5.цахилгаан үүсгүүр, цахилгаан утастай ажиллах цахилгаанд цохиулах эрсдэлтэй ажил.

1.7.Хүүхдийн эрүүл мэндэд сөрөг нөлөөтэй физикийн хүчин зүйлсэд өртөх эрсдэлтэй ажил:

1.7.1.өндөр хурдтайгаар эргэлдэх болон тууш, долгионт хөдөлгөөн бүхий тоног төхөөрөмж, тухайлбал туузан дамжлага, өрмийн машин зэрэг ажил;

1.7.2.ажлын зааварчилгаа сонсох боломжгүй их дуу чимээтэй ажил;

1.7.3.радиацтai холбоотой ажил;

1.7.4.хэт халуун, хүйтэн цаг агаарын нөхцөлд олон цагаар ажиллах;

1.7.5.ажлын байрны физикийн сөрөг хүчин зүйлс хөдөлмөрийн эрүүл ахуйн стандартад заасан зөвшөөрөгдөх дээд хэмжээний 50 хувиас өртөлт бүхий ажил.

1.8.Хүүхдийн эрүүл мэндэд сөрөг нөлөөтэй биологийн аюулд өртөх эрсдэлтэй ажил:

1.8.1.мал амьтны дайралтад өртөх (мал үржүүлгийн үйл ажиллагааны явцад);

1.8.2.өвчтэй мал, шумуул зэрэг амьтдаас зоонозын гаралтай вирус, бактери, паразитын халдварт авах;

1.8.3.үхсэн малын сэг, зэм эсхүл биеийн шингэн;

1.8.4.эмгэг төрүүлэх нөлөөтэй бактери, вирус зэрэг биологийн аюултай хүчин зүйлсийн нөлөөлөлд өртөх эрсдэлтэй.

1.9.Хүүхдэд эргономикийн аюул үүсгэх ажил:

1.9.1. Өргөх зөөх ачааны зөвшөөрөгдөх дээд хэмжээ:

гараар - 16 нас хүртэлх /эрэгтэй хүүхэд 8 кг, эмэгтэй 5 кг/;

1.9.2.олон давтагдах эсхүл хүчилсэн хөдөлгөөн шаардах ажил.

Хоёр. Насанд хүрээгүй хүнийг ажиллуулахыг хориглосон ажил мэргэжил

Салбар, дэд салбар	Насанд хүрээгүй хүнийг ажиллуулахыг хориглосон ажил мэргэжил	Аюул	Тайлбар
2.1.Хөдөө аж ахуй			
2.1.1.Хөдөө ахуйн үйлдвэрлэл	<p>2.1.1.1.тариалах, газар хагалах, ургац хураах ажлыг механизсан өөрөө явагч тоног төхөөрөмжөөр гүйцэтгэх</p> <p>2.1.1.2.химийн бордоо, пестицид ашиглах, химийн хорт болон аюулт бодис, тэдгээртэй харьцах бүх төрлийн ажил</p> <p>2.1.1.3.мод мөчирлөх, талбайгаас жимс хураах</p>	<p>-хөдөө аж ахуйн тоног төхөөрөмжүүд (хадагч, комбайн гэх мэт)-ийн хурдан хөдөлгөөнт эд ангиудад гар, бие хавчуулагдах аюултай.</p> <p>-трактор болон бусад хөдөлгүүрт төхөөрөмжүүд эгц, хэвгий газар онхолдох магадлалтай.</p> <p>-химийн бордоо, пестицидийг ургацын хэмжээг нэмэгдүүлэх өргөн ашигладаг.</p> <p>-жимсний өндөр модноос ургац хураах, мод мөчирлөх үед өндрөөс унах эрсдэлтэй.</p> <p>-хөдөө аж ахуйн бүтээгдэхүүн үйлдвэрлэх, хураах үед хүнд ачаа өргөх, зөөдөг. (биийн жингийн 20 ба түүнээс илүү)</p> <p>-насанд хүрээгүй хүн зохих сургалтанд хамрагдаагүй, хяналт сүл байдгаас осол, гэмтэлд өртдөг.</p> <p>-улирлын шинжтэй түр ажил хүүхэд эрхлэх үед цалин хөлс бага, эрүүл мэндийн үйлчилгээ авч чаддаггүй.</p>	<p>Насанд хүрээгүй ажилтанд хүнд машин механизм ажиллуулах талаар мэдлэг, дадлага туршлага байхгүйгээс гэмтэх, хурц хордлогод өртөх эрсдэлтэй.</p>

2.1.2.Мал аж ахуйн үйлдвэрлэл	<p>2.1.2.1.том хэмжээний хязгаарлагдмал орчинд ажиллах (амбаар, пин, малын тэжээлийн талбай гэх мэт)</p> <p>2.1.2.2.амьтан сургах, эмнэг сургах</p> <p>2.1.2.3.евчтэй эсхүл үхсэн мал, амьтантай харьцах</p> <p>2.1.2.4.мал үржүүлэг, хөнгөлөх, мал хээлтүүлгийн ажил</p> <p>2.1.2.5.мал нядлах, мал нядлахад бэлтгэх ажил</p> <p>2.1.2.6.өвс хадах, боох</p> <p>2.1.2.7.мал эмнэлгийн төрөл бүрийн ажил үйлчилгээ</p> <p>2.1.2.8.техник, тоног төхөөрөмжтэй ажиллах</p> <p>2.1.2.9.зэгий үржүүлэгч</p> <p>2.1.2.10.шууун аж ахуйн ажилтан</p> <p>2.1.2.11.Цаг уурын тохиромжгүй, онц аюултай үзэгдэл бүхий нөхцөлд мал хариулах, оторлох, туувралах</p>	<p>-амьсгал боогдох, гацах, живэх, малын тэжээлийн тоног төхөөрөмжид (өрөм, тэжээлийн худаг, хоолойд) хавчуулагдах, хог хаягдал зайлцуулах (малын өтөг, бууц хадгалах худаг) хударт унах -бэлчээрийн бус маллагаатай мал, амьтны өвчнөөс сэргийлэх, хянах зорилгоор хэрэглэж байгаа хортой бодисын хордлогод өртөх -мал амьтнаас хүнд халдах үүсгэгчээс халдвэр авах -малд өшиглүүлэх, мөргүүлэх зэрэг шалтгаанаар гэмтэх -гэр бүлээсээ хол, тусдаа ажиллаж амьдарснаас сэтгэлзүйн стресс үүсэх -ажлын талбайд бүтэн болон бүтэн бус цагаар ажиллаж, бие, сэтгэл зүйн хүчирхийлэл, үл хайхрах байдлаас үүсэх эрсдэл</p>	<p>Мал аж ахуйг үйлдвэрлэлийн зориулалтаар өсгөх орчин үеийн мал маллагааны хэлбэр нь олон тооны мал сургийг хязгаарлагдмал орчинд амбаар, пин, малын тэжээлийн талбайг ашиглаж байна. Уламжлалт мал маллагааны хэлбэр нь ажиглалт, шууд зааварчилгааны үндсэн дээр ур чадвараа хуваалцах байдалд тулгуурладаг бол орчин үеийн мал аж ахуйн үйлдвэрлэлд бүрэн дадлагажсан, насанд хүрсэн хүн ажиллах шаардлагатай.</p>
2.1.3.Ан агуур	<p>2.1.3.1.буу зэвсэг ашиглах</p> <p>2.1.3.2.галт зэвсэг, сум хадгалах, зөөвөрлөх</p> <p>2.1.3.3.насанд хүрсэн анчинд тусалж тор, урхи тавих, өгөөш бэлтгэх</p> <p>2.1.3.4.Хортон шавьж устгагч</p> <p>2.1.3.5.Сүхээр мод мөчирлөгч</p>	<p>-буу зэвсэгтэй шууд эсхүл тэдгээртэй ойр ажиллах нь санамсаргүй байдлаар сум алдаж гэмтэх эрсдэлтэй.</p> <p>-насанд хүрсэн хүмүүсээс буруу үлгэр дуурайлал авах эрсдэл (архи уух гэх мэт)</p> <p>- олон цаг, удаан хугацаагаар цаг агаар, халуун хүйтэнд тасралтгүй ажиллах шаардлагын улмаас бие физиологийн ачаалал үүсэх эрсдэл</p>	<p>Ан агуур нь уламжлалт ажил мэргэжил боловч орчин үед хүчин чадал өндөртэй галт зэвсэг хэрэглэдэг тул насанд хүрсэн хүн, албан ёсны сургалтанд хамрагдсанаар ажиллах шаардлагатай.</p>
2.1.4.Ойн бүх төрлийн үйл ажиллагаа	<p>2.1.4.1.цахилгаан хөрөөгөөр мод бэлтгэх</p> <p>2.1.4.2.мод, мөчир тээвэрлэх, зөөх</p> <p>2.1.4.3.мод боловсруулах үйлдвэрт ажиллах</p> <p>2.1.4.4.ойн хөнөөлт шавж, өвчинтэй тэмцэх, ойн дагалт баялаг бэлтгэх үйл ажиллагаа</p>	<p>-унаж байгаа модонд дарагдах, машин хөмрөх, ачаа гулгах, мод мөчир өнхрөхөөс үүсэх эрсдэл</p> <p>-цахилгаан хөрөөтэй ажиллах үед үүсэх зүсэгдэх, гэмтэх эрсдэл</p> <p>-алс бөглүү нөхцөлд ажиллаж байгаагаас гэмтэж бэртсэн нөхцөлд хүндэрх эрсдэл</p>	<p>Ойн аж ахуйн үйл ажиллагаанд трактор, өндөр хүчин чадалтай цахилгаан хөрөө, өргүүр зэрэг хүнд машин механизм хэрэглэдэг тул ажилтны хувьд аюултай ажил мэргэжилд тооцогдог.</p>
2.1.5.Загас агуур	<p>2.1.5.1.гүн усанд загас агуур хийх</p> <p>2.1.5.2.загас спорт агууруын хөтөч, туслах</p>	<p>-загасчлах үед гүн усанд живэх эрсдэл (аж ахуйн болон спорт загасчлал)</p>	<p>Арилжааны шинж чанартай загасчлах үйл ажиллагаа нь</p>

	<p>2.1.5.3.завь засах, цэвэрлэх</p> <p>2.1.5.4.завь, усан онгоцны хөдөлгүүр, ус нэвтрүүлдэггүй хэсэг зэрэг хязгаарлагдмал орчинд ажиллах</p>	<p>-хөтөчийн ажил нь хүүхэд ажиллах боломжгүй хариуцлага өндөртэй ажил мэргэжил</p> <p>-агааржуулалт муутай байх, хөдөлгүүрээс гарах утаанд өртөх -шатамхай, дэлбэрэх аюултай бодисын эрсдэл (шатахуун, моторын тосолгооны материал)</p> <p>-цэвэрлэгээний хортой материалтай харьцааж ажилласнаас үүсэх арьсны гэмтэл (цайруулагч, ариутгалын бодис)</p> <p>-цаг агаарын тааламжгүй нөхцөл, наранд цохиулах эрсдэл</p>	<p>хөдөлмөрийн хортой нөхцөлд, уртасгасан цагаар тасралтгүй, цаг агаарын тааламжгүй нөхцөл явагддаг тул насанд хүрсэн хүн ажиллах боломжтой.</p>
2.1.6.Уул уурхай, олборлолт			
	<p>2.1.6.1.нүүрс, эрдэс, төмөрлөгийн хүдэр, уран, алт болон үнэт металл олборлох гүний уурхай</p> <p>2.1.6.2.нүүрс зэрэг уул уурхайн бүтээгдэхүүн гадаргаас олборлох</p> <p>2.1.6.3.чулуу, элс, давс малтах, олборлох</p> <p>2.1.6.4.олборлосон уул уурхайн бүтээгдэхүүнийг тээвэрлэх</p> <p>2.1.6.5.газрын тос, байгалийн хий, түүхий тос олборлох</p> <p>2.1.6.6.бүх төрлийн үнэт металл гар аргаар олборлох үйл ажиллагаа</p>	<p>-уул уурхайн талбай эсхүл гар аргаар олборлолтын үед хөрс гулгах, газар цөмрөлтөөс шалтгаалан уурхайн болон уурхайн үйл ажиллагаанд шууд оролцоогүй ажил мэргэжлийн ажилтнууд ч гэмтэх, нас барах аюултай.</p> <p>- уурхайн тэсэлгээнээс шалтгаалан сонсгол буурах эрсдэлтэй.</p> <p>-туүхий эд материалыг ачиж буулгах, зөөх ажил нь яс булчингийн ачаалал үүсгэж, гэмтэл үүсэх эрсдэлтэй.</p> <p>-хүйтэн ус, цаг уурын хүйтэн нөхцөлд биеийн дулаан буурах эрсдэлтэй.</p> <p>-гар, хөл дээр чулуу унаж, физик гэмтэл үүсэх эрсдэл</p> <p>- хүдэр ялгахад хэрэглэдэг мөнгөн ус болон бусад бодисууд мэдрэлд хортой нөлөө үзүүлдэг.</p>	<p>Уул уурхайн талбай эсхүл гар аргаар олборлолтын үед малтлага, өрөмдлөг хийх зэрэг ажилд хүч их гаргах шаардлагатай болно. Овор ихтэй, хүнд жинтэй материалтай харьцаад биеийн хүч шаардлагатай тул хүүхдэд хүндрэлтэй.</p>
2.1.7.Барилга			

	<p>2.1.7.1.барилга буулгах, нураах бүх төрлийн үйл ажиллагаа</p> <p>2.1.7.2.барилга барих, засварлах</p> <p>2.1.7.3.цахилгааны ажил</p> <p>2.1.7.4.өнгөлөх, зүлгэх багаж хэрэгсэл ашиглах ажил</p> <p>2.1.7.5.өрлөг</p> <p>2.1.7.6.чулуун зүсэх, бутлах хавтан</p> <p>2.1.7.7.цемент зуурах, холих, өнгөлөх</p> <p>2.1.7.8.гагнах, давтах, металл боловсруулах</p> <p>2.1.7.9.барилгын материал тээвэрлэх</p> <p>2.1.7.10.дээвэрлэх</p> <p>2.1.7.11.будагчин, барилгын бүтээц цэвэрлэгч, түүнтэй адилтгах бусад ажил</p> <p>2.1.7.12.барилга угсрах үйлдвэрт зуурмаг бэлтгэх, үйлдвэрлэлийн бус орчинд цемент задгайгаар савлах ажил</p>	<p>-барилгын шат, гишгүүрээс унах, түр хамгаалалт хийсэн үед хана, тавцан, дээврээс унах, бэртэх -өндөрөөс унаж, нурж байгаа биет, кран, эд зүйлд цохиулах байнгын эрсдэл үүсдэг.</p> <p>-дадлага, туршлагагүйгээс цахилгаанд цохиулах, гагнуур хийх, сантехникийн ажлын үед нүд гэмтэх, түлэгдэх эрсдэл</p> <p>-цахилгаан, хийгээр ажилладаг хөрөө, өрөм зэрэг мушааны тоног төхөөрөмж ашиглах үед цахилгаанд цохиулах, зүсэгдэх эрсдэл</p> <p>-хүнд материалыг өргөх, түлхэх, зөөхөд яс булчингийн гэмтэл үүсэх эрсдэлтэй.</p>	<p>Барилга барих, засварлах ажилд өндөр ур чадвартай ажилтан нарийн тоног төхөөрөмжтэй харьцах шаардлагатай. Техник тоног төхөөрөмж, аюултай ажлын нөхцлөөс шалтгаалан ажлын байран дээрээ дадлагаажин, "туслах" нэрээр албан мэргэжлийн боловсрол, сургалтгүйгээр ажиллах боломжгүй.</p>
2.1.8.Боловсруулах үйлдвэрлэл			
	<p>2.1.8.1.20 ба түүнээс дээш ажилтантай үйлдвэрийн дамжлагын ажил</p> <p>2.1.8.2.тоосго цохих шир</p> <p>2.1.8.3.арьс, идээлэх, хатаах</p> <p>2.1.8.4.тамхины үйлдвэрлэл</p> <p>2.1.8.5.архи, пиво, ундааны үйлдвэрлэл</p> <p>2.1.8.6.резинэн болон хуванцар бүтээгдэхүүний үйлдвэрлэл</p> <p>2.1.8.7.машин, тоног төхөөрөмжийг угсрах, суурилуулах, холбогдох засвар, үйлчилгээ</p> <p>2.1.8.8.бүх төрлийн суурилагдсан болон механикжсан тоног төхөөрөмжүүд, технологийн зориулалттай болон ердийн машин механизмууд, байнгын гар ажиллагаатай тоног</p>	<p>-тасралтгүй, хурдан ажиллах дамжлагын ажилд физиологийн хувьд стресс үүсэх, нэг төрлийн байнга давтагдах ажилд оюун санааны хувьд залхах зэрэгээр хүүхдүүдэд өвөрмөц эрсдэл үүсдэг.</p> <p>-оёдлын үйлдвэрлэлийн өндөр тоосжилттой нөхцөлд удаан ажилласнаас шалтгаалан амьсгалын замын өвчлөл үүснэ.</p> <p>-арьс идээлэх, хатаахад ашигладаг химийн хорт бодист хордох эрсдэл үүсэх</p> <p>-чулуу зүсэх бутлах, тоосго цохих зэрэг тоосжилттой орчноос шалтгаалан уушиг тоосжих эрсдэл</p> <p>-босоо байдлаар олон цагаар ажилласнаар яс булчингийн гэмтэл үүсдэг.</p>	<p>Үйлдвэрлэлийн процесст ашигладаг багаж тоног төхөөрөмж, түүхий эд материалыас шалтгаалан эрсдэл үүснэ.</p>

<p>төхөөрөмж, багаж хэрэгслийг ашиглан үйл ажиллагаа явуулдаг үйлдвэрлэлийн дамжлагын бүх төрлийн ажил:</p> <p>2.1.8.9. тамхины үйлдвэрлэл</p> <p>2.1.8.10.архи, пиво, ундааны үйлдвэрлэл</p> <p>2.1.8.11.Нэхмэлийн болон хувцас үйлдвэрлэл</p> <p>2.1.8.12.арьс, арьсан бүтээгдэхүүн үйлдвэрлэл</p> <p>2.1.8.13.цаас болон цаасан бүтээгдэхүүний үйлдвэрлэл</p> <p>2.1.8.14.хэвлэх, дуу бичлэгийн хувилах, дахин үйлдвэрлэх үйл ажиллагаа</p> <p>2.1.8.15.кокс болон газрын тосны боловсруулсан бүтээгдэхүүний үйлдвэрлэл</p> <p>2.1.8.16.хими, химийн төрлийн бүтээгдэхүүний үйлдвэрлэл</p> <p>2.1.8.17.эм, эм бэлдмэл, химийн болон ургамлын гаралтай эмийн бүтээгдэхүүний үйлдвэрлэл</p> <p>2.1.8.18.резинэн болон хуванцар бүтээгдэхүүний үйлдвэрлэл</p> <p>2.1.8.19.төмөрлөг бус эрдэс бодисоор хийсэн эдлэл үйлдвэрлэл</p> <p>2.1.8.20.металл үйлдвэрлэл</p> <p>2.1.8.21.машин, тоног төхөөрөмжөөс бусад металл бүтээгдэхүүний үйлдвэрлэл</p> <p>2.1.8.22.компьютер, электроник болон хараа зүйн бүтээгдэхүүний үйлдвэрлэл</p> <p>2.1.8.23.цахилгаан тоног төхөөрөмжийн үйлдвэрлэл</p> <p>2.1.8.24.дээрх дэд салбартоороогүй бусад машин, тоног</p>		
--	--	--

	<p>төхөөрөмжийн үйлдвэрлэл</p> <p>2.1.8.25. моторт авто тээврийн хэрэгсэл, чиргуул, хагас чиргуул үйлдвэрлэл</p> <p>2.1.8.26. тээврийн хэрэгслийн бусад тоног төхөөрөмж үйлдвэрлэл</p> <p>2.1.8.27. машин, тоног төхөөрөмжийг угсрах, суурилуулах, холбогдох засвар, үйлчилгээ</p>		
--	--	--	--

2.1.9. Ус хангамж, хог хаягдлын менежменттэй холбоотой үйл ажиллагаа

	<p>2.1.9.1. хот доторх хог хаягдал цуглуулах</p> <p>2.1.9.2. хог хаягдал цуглуулах, боловсруулах, ангилах, цэвэрлэх, дахин боловсруулах</p> <p>2.1.9.3. хог хаягдал шатаах, булшлах, устгах үйл ажиллагаа</p> <p>2.1.9.4. бохир ус хуримтлуулах, цэвэрлэх, ариутгах</p> <p>2.1.9.5. ерх, ахуйн хэрэглээний ус тээвэрлэх</p>	<p>-хэрэглэсэн тариур зэрэг эмнэлгийн аюултай хог хаягдлаас өвчин үүсгэгчээр дамжуулан халдвартлах</p> <p>-хурц ирмэгтэй металл зүйлс, хагарсан шил зэрэгт зүсэгдэх өндөр эрсдэлтэй</p> <p>-гэмтлийн үед авсан шархаар дамжин татран зэрэг халдварт өвчин тусах эрсдэл өндөр</p> <p>-хог хаягдал цуглуулах үед хүнд машин механизмд мөргүүлэх аюултай.</p> <p>-бохир ус ариутгах, цэвэрлэхэд ашигладаг химийн хорт бодист хордож амьсгалын замын болон арьсны өвчлөл үүсэх</p> <p>-хүнд хог хаягдал өргөх зөөх үед яс буличинд ачаалал үүсэх эрсдэлтэй.</p> <p>-хог хаягдалтай ажиллахад нийгэм сэтгэлзүйн хувьд дорд үзэгддэг.</p>	
--	---	---	--

2.1.10. Гэр ахуйн болон эрүүл мэндийн сувилгаа, үйлчилгээ

	<p>2.1.10.1. асрах газар, эмнэлэг зэрэгт өвчтөнтэй шууд харилцах ажил</p> <p>2.1.10.2. гэрт нь байрлах гэрийн үйлчилгээний ажилтан, үйлчлэгч, хүүхэд асрагч</p> <p>2.1.10.3. массаж болон түүнтэй адилтгах хувь хүнд үзүүлэх бусад үйлчилгээ /бэлгийн мөлжлэгт өртөх магадлалтай/</p>	<p>-өвчлөл, нас бааралтыг бодитоор харсанаар хүүхдүүдэд дараа нь даван туулахад төвөгтэй сэтгэлзүйн дарамт үүсгэдэг.</p> <p>-өвчтэй хүн асрах үед агаар дуслын замаар, биеийн шингэн, сувилгааны хэрэгслээр дамжин халдварт өвчин тусах эрсдэлтэй.</p> <p>-эмчилгээний байгууллагад үйлчилгээний ажилтнууд хүчирхийлэлд өртөх, мансууруулах бодисыг хэрэглэх зэрэг магадлалтай.</p> <p>-сувилгаа, асаргааны үед хүнд ачаа зөөх, шөнө ажиллах, олон цагаар ажиллах шаардлага гардаг.</p> <p>-олон нийтийн анхаарлаас хол асаргааны ажил эрхлэх нь нийгмээс тусгаарлагдах, хүчирхийлэл, бэлгийн дарамтад өртөх, зодуулах, сүрдүүлэгт өртөх эрсдэлтэй.</p>	
--	---	---	--

2.1.11. Цэвэрлэгээ үйлчилгээ

	<p>2.1.11.1.хими цэвэрлэгээ 2.1.11.2.эмнэлгийн цэвэрлэгээ 2.1.11.3.үйлдвэрлэлийн байгууламжийн цэвэрлэгээ (гал, дэлбэрэлт, хорт бодис асгарсан) 2.1.11.4.барилгын талбайн цэвэрлэгээ 2.1.11.5.шарил хадгалах, оршуулгын газар</p>	<p>-цэвэрлэгээний материал ихэнхидээ хурц ирмэгтэй байх нь гэмтэх ёндөр эрсдэлтэй. -цэвэрлэгээнд ялангуяа хими цэвэрлэгээний газруудад ашигладаг химийн бодисууд арьс, нүдийг гэмтэх магадлалтай. -мэргэжлийн цэвэрлэгээний газруудад хүнд, овор ихтэй, хурц ирмэгтэй, нойтон материал цуглуулах, зөөхтэй холбоотойгоор яс булчингийн системд ачаалал өгч, өвчлөл үүсгэдэг. -цэвэрлэгээний ажилтнууд бусдад дорд үзэгдэх хандлагатай. -цэвэрлэгээний ажлыг ихэвчлэн шөнийн цагаар хийдэг тул хүчирхийлэл, бэлгийн дарамтын эрсдлийг нэмэгдүүлдэг.</p>		
2.1.12.Борлуулалт, худалдаа				
	<p>2.1.12.1.бөөний худалдааны үйл ажиллагаа 2.1.12.2.гудамжинд бараа худалдаалах 2.1.12.3.э-худалдаа 2.1.12.4.гүйлга гүйх 2.1.12.5.авто зам дээрх худалдаа, үйлчилгээний ажил 2.1.12.6.цэнэглэгч хий болон шингэн, хийн түлшний худалдаа, үйлчилгээ 2.1.12.7.шатах, тослох материал түгээх ажил 2.1.12.8.ачаа өргөж зөөх, буулгах ажил 2.1.12.9.зах дээр тэрэг түрэх</p>	<p>үйл</p>	<p>-бөөний худалдааны төвүүдэд том тоног төхөөрөмжтэй ажиллахад үүсэх аюул -онлайн худалдааны ажил мэхлэх, аймгтай болох зэргээр хүүхдийн зан төлөвт сергөөр нөлөөлөх боломжтой. -мөнгөтэй харилцах худалдааны ажлууд нь айлгах, хүчирхийлэл, луйвардуулах эрсдэлийг бий болгоно. -зохион байгуулалттайгаар гүйлга гүйх үйл ажиллагаанд хүүхэд оролцох нь хүчирхийлэл, дорд үзэгдэх гэх мэт зан төлөвт нь үзүүлэх эрсдэлтэй.</p>	<p>Бөөний худалдааны үйл ажиллагаа дэлгүүр, бөөний төв, гудамжид хийгддэг. Интернэтэд суурилсан байдлаар худалдаа хийх хэлбэр бий болж байна. Бараа, бүтээгдэхүүн худалдах нь аюултай ажил биш боловч худалдаа хаана хийж байгаагаас шалтгаалан эрсдэл үүснэ. Ажлын цаг, өргөж зөөх ачааны зөвшөөрөгдөх хэмжээ зөрчигддөг.</p>
2.1.13. Тээвэр ба агуулахын үйл ажиллагаа				
	<p>2.1.13.1.тээврийн туслах үйл ажиллагаа 2.1.13.2.төмөр замын ачиж буулгах ажил 2.1.13.3.нийтийн тээврийн хэрэгслийн кондуктор</p>			

2.1.14.Энтертэймэнт

	<p>2.1.14.1.мэргэжлийн морин уралдаан</p> <p>2.1.14.2.жил бүрийн 11 дүгээр сарын 01-ний өдрөөс 05 дугаар сарын 01-ний хүртэлх хугацаанд хурдан морины уралдаан, сунгаа, үсэргээнд хурдан морь унуулах</p> <p>2.1.14.3.порнографийн болон биеэр үзүүлэх мэргэжлийн урлагийн үзүүлбэрт ашиглах</p> <p>2.1.14.4.зочид буудал, дэн буудлын бүх төрлийн ажил</p> <p>2.1.14.5.тайчих үзүүлбэр, массажийн үйлчилгээ</p> <p>2.1.14.6.баар, цэнгээний газар, шөнийн клуб, сауны газарт ажиллах бүх төрлийн ажил</p> <p>2.1.14.7.нохой зодооны үзүүлбэр</p>	<p>-дарамтаас үүсэх сэтгэл зүйн эрсдэл эдгээр үйл ажиллагааг эрхлэхэд маш их.</p> <p>-насанд хүрэгчдийн муу үлгэр дуурайлал хүүхдийн ёс суртахуунд нэлөөлнө (архи, мансууруулах бодис хэрэглэх, мөрийтэй тоглох).</p> <p>-байнга, тогтмол сургуульд хамрагдах боломжгүйгээс хүүхдийн оюун ухаанд сөрөг нэлөөтэй.</p> <p>-хүүхэд ажил олгогчтой сургалт, үзүүлбэрийн үед хамт амьдардагаас гэр бүлийн халамж, анхаарал суларна.</p> <p>-уналтаас (циркийн үзүүлбэр) болон биеийн эвгүй байрлалаас (уран нугараач) үүсэх бие махбодийн гэмтэл</p> <p>-биеийн жинг хянаж, хязгаарласнаас үүсэх хоол тэжээл, шингэний дутагдал, эрүүл бус хэв маяг</p> <p>-олон давтсан, хүнд дасгал сургуулалтаас үүсэх гэмтэл, бэртэл</p> <p>-хэт хурдан давхилтаас хүнд гэмтэл үүсэх маш их эрсдэлтэй.</p> <p>-цаг агаарын тааламжгүй нөхцлийн нэлөөлөл (хэт халуун, хүйтэн)</p>	<p>Энтертэймэнтийн үйл ажиллагааны театр, хөгжим, уран сайхны болон спортын гэх мэт олон хэв шинжтэй.</p> <p>Арилжааны (цалинтай хөдөлмөр эрхлэлт) болон сонирхогчийн буюу мэргэжлийн бус үйл ажиллагааг ялгаатай авч үзэх шаардлагатай.</p> <p>Арилжааны шинж чанартай үйл ажиллагаа нь мансууруулах бодис, мөрийтэй тоглоом, биеэ үнэлэх зэрэг хууль бус үйл ажиллагаатай холбогдсон тохиолдолд хүүхдийн хөдөлмөрийн тэвчишгүй хэлбэр болно.</p>
--	---	---	--